

清代学术笔记从刊

徐德明 吴平 主编

學苑出版社

16

徐德明
吴平 主编

清代学术笔记丛刊

16

學苑出版社

刘希向 撰

三
冬
识
余

二卷

刘希向(?)，字炳藜，号秋岩，江苏山阳人。乾隆十九年(1754)进士。官湖北麻城县知县。旋引归乡里，读书教授以终其身。学主征实，不尚浮华。其外孙丁晏，为校刊《三冬识余》以传之。

《三冬识余》二卷，卷一为经类，实兼及史部，不乏高见。如《孔子为大司寇摄相事》条，提出「相自秦始有专官，鲁安得有相乎？朱子《论语集注》、《纲目》皆不觉其误」，认为孔子摄相，当释为宾相之相。又《秦本纪不与始皇本纪合》条，《史记》夏殷周皆一纪，独《秦纪》与《始皇纪》分为二，认为「本纪不降为世家，明秦后之为帝也；《秦纪》不与《始皇》合，明始皇之非秦后也」。又《汉书景纪》条，凌稚隆以为《史记》简略，不如班《书》远甚。作者详考其所载多讹，如二年诏中之大鸿胪、大行、光禄大夫；六年诏中之三辅，皆武帝时所改所置也。又《祭墓不始汉明帝》条，认为谒陵之制久矣，《困学纪闻》以为汉明帝始有上陵之礼，非也。又《汉书不立兵志》条，认为「非雅得古人大刑用甲兵之意，亦以惩后世主黷武之心也。宋钱氏补《汉书》兵志，盖未识班之微意」。《范史不立志辨》条，详考范晔实欲撰十志而未果。均可资参考。卷二为杂类。如《甘蔗饬》条，考《三国志·吴书·江表传》，三国时已有甘蔗饬。偶有错误，如卷一《禹贡黑水》条，认为昆仑山为金沙江、澜沧江之发源地。又云「员缺之名始于晋」，其实魏已有之。

有咸丰八年(1858)刊本。

此次影印用咸丰八年刊本。

三 寒 識 餘

咸豐八年
十月刊成

三冬識餘

序

一

有義理之學有名物之學談義理者宋五子書尚已顧其後循聲傍影陳陳相因往往以精義入神之言文空疎謬陋之實如畫家畫神鬼變相共是非遁而使人不可詰若考據經史肝衡古今辨證金石非讀破萬卷自具鑒裁不能道其隻字自來滌貴與迄 本朝顧亭林閻百詩朱竹垞諸先生宏篇巨帙照耀宇宙大之足以經世宰物而細亦不失為通德類情名物也而濂洛關閩之旨寓焉則文武之道所恃乎識大識小之有其人也余友秋岩先生甲戌成進士未登館選人咸以為憾先生顧自喜每語余曰某舊為應舉文字於古人五車四部之全多所未覩今賜歸待選得以補前所不逮猶恐路長日短尙安事汲汲於榮利為耶故方其下帷講學遍取架上書手披目覽焚膏繼晷奇文奧旨洞若觀火異同得失辨析毫釐偶有心會神解輒筆之簡牘積久成書二卷題曰三冬識餘釋其命名之意正如容齋隨筆輟耕錄等書始但用以脩遺忘而其成也遂足以衣被沾溉乎來學蓋作者於儒先精深淵懿之理久已融徹於胸而俯而察天下之蹟凡一言之論斷一字之剖析皆能發前人未發之覆而確立於不可易今 國家書賢孔亟行將攬轡登車矣繼此本實學為實政抒

猷潤色必有如古大人開物成務冒天下之道者而茲
編特其嚆矢已余何幸而先覩之爲快乎時乾隆二十
七年壬午季秋朔年姻世弟周龍官拜手謹序

吾友丁儉卿同年刻其外大父秋岩先生三冬識餘以
成先太恭人未竟之志伏生之親女爰授尙書馬遷之
外孫實傳史記以古方今其際一也吾淮自百詩力臣
山夫唐山諸先生著述外講實學者罕有聞焉余所最
服膺者李惺菴閣學讀書雜誌篤實切理通儒有用之
學也秋岩先生此書醇雅詳密學足相亞得儉卿表章
流傳足垂不朽刻既竣謹書數語於後同邑後學高士
魁跋

外大父麻城公通籍後歸班待選教授里中益肆力於實學撰三冬識餘二卷旋出宰百里莅任八年殫心民事著有循績竟以註誤歸未及中壽而沒先太恭人每勉晏以勤學嘗訓之曰汝外王父苦心苦學盛暑篝燈以兩腿納瓦甕中辟蠅蚋嚴冬無裘手足皸瘃歲除聞爆竹聲他人飲酒謹呼猶閉門誦不輟其篤學如此晏心志之不敢忘晏少而藐孤從南賓舅氏受業稍長讀書勵志顓門治經皆太恭人之教也頃敬卿表弟勤伯約齋表姪以識餘繕木示晏屬爲跋尾共謀付梓晏受而讀之其解經不屑屑於訓故多引史事相發明得

三冬識餘

跋

二

古人說經遺意卷中引唐太宗之言論肉刑不當復又論三族古訓本康成父子孫之說不當沿亡秦酷刑兼逮外親之黨仁人之言通儒之學有裨於治道大矣其它攷訂名物辨覈典章誠爲有用之書晏白首衰殘謹據其一得之愚增書於後愴蓼莪之哀痛冀梨棗之流傳而太恭人已不及見矣悲哉
咸豐戊午長夏外孫丁晏敬識

此書係二十餘年前先君子借曹世叔鑣敬加校勘繕寫完整將授之剞劂者因事中輟不數年而先君子下世矣 璞等爾時卽欲竭其綿力仰成先志無如飢驅在外爲人作嫁寄跡於沭邑多年遂致此願久虛每一念及不覺慨然近自潼陽歸來稍有餘暇爰出底本借諸弟細檢魯魚以壽梨棗非敢謂是爲無負傳視也亦第俾先大父績學苦心不致湮沒而先君子表章前人之志得稍慰於地下云爾孫璞謹誌

三冬識餘

跋

三

孫璞

琬

玠

璟

瑄

曾孫光曾

憲曾

法曾

念曾

純曾

守會

嗣會

續會

曜會

顯會全校字

元孫鼎臣

聘三

願三

鼎言

立三

四

鼎願

鼎銘

鼎鈞

鑑三

鼎金

接三

鼎和

鼎銘

貢三

鼎元

祝三

鼎新

鼎彝

鼎三

鼎勳

來孫鍾麟

邦彥全校刊

五

三冬識餘卷上

山陽劉希向炳黎甫著

門人曹鑑
男 鷺翥 校

談易

乾初之勿用二之在田潛見合乎時者也揚雄之事莽苟或之事操失潛見之德矣龍德而正中者其惟諸葛孔明乎

西南得朋東北喪朋以方位言之西南陰位致役之地也東北陽位奉命之地也以臣道言之西南得朋臣之職也東北喪朋臣之心也以妻道言之西南得朋后妃

三冬識餘

卷上

十

不妬忌而率羣妾以事君子也東北喪朋后妃之專靜純一王姬之不敢挾貴以驕其夫家也故象曰乃與類行乃終有慶

龍戰於野龍宇不指本卦言乾卦中之龍也不言陰與陽戰而曰龍戰於野胡氏謂與春秋王師敗績於茅戎天王狩於河陽同一書法

王伯厚曰屯次乾坤封建與天地並立一旅復夏共和存周封建之效也匹夫亡秦劉石覆晉郡縣之失也安史亡而輔國用朱泚滅而裴李川蔡人平而异鐔用南宋興而汪黃用洪武之用胡汪正統之用曹石皆亂

邦者也師之上六曰開國承家小人勿用

乾之无首戒躁進也比之无首慎初交也

輻與輹不同輹車軸縛也輻車轆也說輹之說解脫也

猶可復進也說輻之說散脫也不可復行也大畜之九

二與陰遠故止而不進小畜之九三與陰近故往而必

敗

乾陽實也坤陰虛也小畜九五之富實也泰六四之不

富謙六五之不富虛也君臣之間惟誠則可格惟虛則

可通

小畜上九之月幾望歸妹六五之月幾望中孚六四之

三冬識餘

卷上

二

月幾望陰盛之戒也聖人抑陰之義也漢之霍光明之

張居正皆不知幾望之戒者哉

外史曰草木落於待黃之秋而衡門之蒿獨茂塵灤沸

於會風之候而寒谷之雲不流故履之九二曰履道坦

坦幽人貞吉

荀悅曰教化之行挽中人而進於君子之域教化之廢

推中人而墮於小人之塗玉泉喻氏曰泰小人道消非

消小人也化小人而入於君子也

唐太宗曰治安則驕侈易生驕侈則危亡立至魏徵曰

久安之民驕佚驕佚則難教秦之九三上下皆驕之時

也故曰无平不陂无往不復

泰雖極治以命亂而成否否雖極亂以有命而成泰刑賞子奪者人君之大命也陸宣公之告德宗曰信賞必罰伯王之資也輕罪褻刑衰亂之漸也其始知此意者歟

宣公曰治或生亂亂或資治有以無難而亡多難而興者治或生亂者恃治而不修也亂或資治者遭亂而能治也無難而失者忽萬幾之重而忘憂畏也多難而興者涉庶事之艱而知勅慎也泰以陰柔居其終故不能保泰而泰復爲否否以陽剛居其終故卒能傾否而否

三冬識餘

卷上

三

復爲泰然則否泰何常存乎君心之敬肆而已

唐太宗初年用魏徵之言而馮盎來朝晚年乃不忍高麗之師而安市不下則富不富之分也若舜之修德而有苗格文之退師而崇降乃合於謙之六五者歟

趙襄子下狄二城而有憂色士燮欲釋楚以爲外懼山濤欲釋吳以爲外懼故苻堅滅慕容而淝水之亡兆唐莊滅梁蜀而興教之禍成在豫之六五曰貞疾恒不死張湯杜周之慘酷何殊於郅都寧成以安世延年而得免酷吏之傳張魏公之殺曲端何殊於秦檜以南軒而不蒙宋儒之譏在蠱之初六曰有子考无咎

臨八月舊說有三一云自丑至申爲否一云自子至未

爲遯一云自寅至酉爲觀本義兼取遯觀爲義思謂陽極於九退而生少陰之八陰極於六進而生少陽之七陰之義配月故云八月陽之義配日故云七日七八者陰陽始生之數也諸家以卦氣月候至作圖說徒生轆葛耳程氏沙隨陸氏庸成說得之

噬嗑得金矢朱子指釣金束矢程子謂金取剛矢取直下文黃金取剛中參之解卦得黃矢程說是

文所以載道也輪轅飾而人弗庸徒飾也况虛車乎賁初九之舍車而徒正此義

三冬識餘

卷上

四

初曰賁其趾二曰賁其須火之自下而上文明之至也故象曰與上與也

賁如濡如文之極而將溺於文也賁如皤如文之過而將返於質也故皆有遲疑意

山抱玉故鑿之江懷珠故竭之豹佩文則剝之人懷智則嫉之所以素履白賁皆无咎

剝之六三離衆陰以應陽爲小人之遷善漢之呂彊明之覃吉是也剝之六五率衆陰以事陽爲后妃之事君后妃不妬忌而帥羣妾以事其君子是也

初之不遠復顏子之不貳過也二之休復湯武之反之

也三之類復諸子之日月至焉者也

古詞君子行曰君子防未然不慮嫌疑間瓜田不納履李下不整冠得无妄六三之義

顧亭林金石記曰古人日日二字同一書法惟口字缺左角石經日字皆作曰陸氏釋文於九經中遇二字可疑者卽加音切宋以後始以方者爲曰長者爲日而古意失矣朱子曰閑與衛之曰讀作日從古法

閻邱卽曰雞豚謹噉則奪鐘鼓之音雲霞充咽則奪日月之明讒人在側是以見晚也大畜之童牛豶豕治不肖所以畜賢者也

主客識餘

卷上

五

坎之中實是誠離之中虛是明中實者坎之用中虛者離之用因坎離之中寓誠明之理聖人之心學也陸山李氏云

鼓缶而歌大耋之嗟哀樂失其常也故伯有之嗜酒窟室子產謂其不免孝伯之朝不及夕穆叔知其將亡豕傳曰咸感也咸非心無由感故咸加心爲感咸無心方能感故感去心爲咸他父著咸字而九四獨不言咸者以有心相與失咸之義也夫

覆一簣之土而望邱山之高傾一盂之水而思江海之潤初六之浚恒也燕趙而南轅吳越而北轍九四之田

无禽也

遯之六二程傳云二五親合其交自固如肺腑之臣義不可去箕子所謂我不顧行遯是也吳氏龔氏從之本義云中順自守人莫能解如危行言孫是也蔡氏從之孔氏則云執所遯之人別爲一說安溪並存而列吳氏龔氏之說於前殆以程傳爲尤長

晉四之晉如鼯鼠持祿保位者也張禹孔光馮道以之失得勿恤竭誠盡忠者也伊周諸葛以之婦主養者也始而中饋終而富家則婦道盡矣夫主教者也始而嗃嗃終而假家則夫道盡矣

主客識餘

卷上

六

禮運云夫婦和家之肥也六四之富家是也狐邪媚而處於內隼陰鷙而颺於外一則內難一則外難也解內難者戒躁急解外難者戒因循何進之召外兵唐之和藩鎮不知解之義者也

唐文宗曰去河北賊易去朝廷朋黨難魏叔子曰去小人之黨易使君子自去其黨難解之六五曰君子維有解則信乎可以服小人之心以取信於其君矣

綿蕞一議而儒術卑其流爲孔光劉歆之諂媚西漢之風俗叔孫成之也桐江一釣而士習正其流爲郭泰范滂之清高東漢之節義子陵開之也損之九二曰弗損

益之嚴光當之矣

王伯厚曰廉恥國之脉也廉恥泯則國從之是以楚瓦好賄郢城危晉盈好貨霸業衰秦賂譏牧遷爲虜漢金間增瑛敗羽利之覆邦可畏哉大學之末七篇之始所以正人心塞亂源也在益之屯曰莫益之或擊之童牛之牯防其未然也繫於金柅戒其將然也

魚主衆二之包魚親民之臣也瓜主分五之包瓜統御之君也

天者人之始也父母者人之本也人窮則反本故勞苦倦極未嘗不呼天也疾痛慘怛未嘗不呼父母也萃上

主參識餘

卷上

七

之齋咨涕夷是也屈原伯奇以之

晉侯嬖程鄭使佐下軍鄭行人公孫揮如晉聘程鄭問焉曰敢問降階何由子羽不能對歸以語然明然明曰是將死矣不然將亡貴而知懼懼而思降乃得其階下人而已又何問焉升六五之升階參此可得其義冥豫樂而不知返者也冥升進而不知退者也

困於酒食孔子之致粟六萬而道不行也朱紱方來孔子之應公山佛胥孟子之應梁惠齊宣也如有用我其爲東周二之利用亨祀也磨而不磷涅而不淄二之征凶无咎也

三之井渫治內也四之井甃治外也先渫而後甃王者有本之政也既渫而又甃王者不敝之政也有本而不敝所以可久可大

日中則昃月盈則食過中而必變者天地之道也十干以戊己爲中故次之以庚庚者更也萬物變更之時也革之己日乃孚義取此

湯征之自葛文王之服事武王之觀兵皆不敢輕言革者也胡宿曰變法古人所難韓絳曰爲政立事當有大小先後之序范純仁曰積弊不可頓革商鞅革秦政王莽革漢政王安石革宋政皆以輕革而敗司馬公盡革

主參識餘

卷上

八

安石之法至雇役一事亦改之其後紹聖崇甯間首斥光爲姦黨方正學當建文之世毅然欲革祖宗之政未幾而燕難作國祚移革之初九曰鞏用黃牛之革革可易言乎哉

民生於三父生之師教之君食之夫君之食之非一端也既爲之井以養之又爲之養賢以盡其所以養之道是以民可使富而財不可勝用也聖人於頤曰養賢以及萬民於鼎曰大亨以養聖賢養賢之義大矣哉女入宮見妬士入朝見嫉故鼎之九二曰我仇有疾鼎五上與大有同皆尙賢養賢之卦也故大有上曰吉

无不利鼎上亦曰大吉无不利大畜頤之五上與此卦同而不若此卦者一則上得五而後通一則五藉上以爲養必若此之上下交而德業成乃爲盡善也

孟子兼養章足盡頤卦之義不動心章足盡艮卦之義或謂漸卦爻象與歸妹同不擇陰爻陽爻皆有婦象愚謂亦有不同者歸妹卦名也故六爻皆婦象女歸義也故六爻不必皆婦象若拘女歸之說則咸之取女六爻何以無夫象耶其卦取象而爻亦取象者家人歸妹是也彖取象而爻不必皆取象者咸之取女姤之女壯此之女歸是也然爻象不必拘而義可通者則以皆以

主本識餘

卷上

九

漸爲義卽同爲妻道臣道耳

娣諸家俱以妾媵解從六書故以姪娣從之說愚案爾雅云女子同出先生爲姪後生爲娣兌爲少女有娣之義又云長婦以稚婦爲娣稚婦以長婦爲姪卦以少女適長男爲冢婦者也初九在下有娣之象故曰歸妹以娣也禮舅姑使介婦毋敢敵耦於冢婦不敢並行不敢並命不敢並坐無比耦之尊有相承之義故爲跛能履之象六爻惟此爻爲吉以與卦義相反也若三之娣不得已而娣者也五之娣卽初之娣但非本爻正義耳須與娣同用如呂須女須皆作須楚人謂姊曰須則須

乃女之長者也三爲下之上故曰須女子旣須宜歸長男然不中不正故反歸而以娣耳女之不能待時者也與四爻正相反

歸妹以娣象曰以恒也帝乙歸妹非恒也故曰不如其娣之袂良月幾望

揚子雲曰炎炎者滅隆隆者絕觀雷觀火爲盈爲實天收其聲地藏其熱高明之家鬼瞰其室此全釋豐卦之義炎炎者火也隆隆者雷也炎炎隆隆以爲盈且實矣然卦雷居上則是天收其聲火居下則是地藏其熱盛不可久而滅且絕之徵也豐之義如此故卦俱發日中

主本識餘

卷上

十

之義窮極至上則曰豐其屋蔀其家闢其戶聞其無人所謂高明之家鬼瞰其室也人君當國家鼎盛之時則宜以晏安爲戒人家當富貴滿盈之日則宜以驕侈爲憂反是而末有不敗者矣豐之義大矣哉

君子之處旅有道也晉文公之廣而儉文而有禮子金之對秦知瑩之對楚剛柔得中止而麗乎明者也臧孫信衛侯退而告其人口衛侯其不得入乎其言糞土也亡而不變何以復國右宰穀見衛侯於夷儀反曰君淹恤在外十二年矣而無憂色亦無寬言猶夫人也若不已死無日矣及其人也大夫逆於竟者執其手而與之

言道逆者自車揖之逆於門者領之而已未幾而晉師入士弱囚矣魯昭公之伐季孫意如也請待於沂上以察罪弗許請囚於費弗許請以五乘亡弗許於是叔孫氏之甲與而陽州次乾侯唁矣焚巢之患喪牛之占其因不亦宜乎

晉文公以狐偃趙衰而入衛獻公以子展子鮮而入旅之得童僕者也鄭僖公之不禮子罕子豐晉惠公之外內惡之旅之喪童僕者也晉文公適齊有馬二十乘公子安之齊姜口行也懷與安實敗名故曰旅於處得其資斧我心不快

主冬藏餘

卷上

七

親賢臣遠小人此先漢所以興隆也親小人遠賢士此後漢所以崩殞也故隨曰孚於嘉吉中孚曰孚於剝有厲

蔡京小人也以復差役之約而司馬喜蔣之奇險人也以是漢王之議而歐陽薦秦檜姦人也或張浚以爲君子趙鼎以爲小人或浚以爲小人鼎以爲君子皆不能渙其躬者也其有悔不亦宜乎

淮南子曰易爲而難成者事也難成而易敗者名也故曰翰音登於天何可長也

唐貞觀四年林邑獻火珠有司以其表詞不順請討之

上曰好戰者亡如湯帝頡利皆是也小國勝之不武况未可必乎得既濟三爻之義矣

易有四義不易也交易也變易也易簡也天尊地卑一章發其義故爲繫易首篇

觀象玩辭學易也觀變玩占用易也子曰五十以學易可以無大過矣所謂自天祐之吉无不利也

繼之者善也二句是聖人之言性與天道

家人之象曰君子以言有物而行有恒中孚九二之繫曰君子居其室出其言善則千里之外應之居其室出其言不善則千里之外違之夫言行可以對家人而後

主冬藏餘

卷上

七

可以動天地也故君子慎獨

崇高莫大乎富貴非天子不議禮不制度不考文

劉屏山曰河圖昧乎太極則陰陽分而無統洛書昧乎皇極則九疇滯而不通

吳敬齋曰陽始北而終西一三陽尚微故居內七九陽盛而著於外也必實其中而後能著於外故五居中陰始南而終東二四陰尚微故居內六八陰盛而凝於外也必堅乎外而後實其內故十居中自中而外陽之生數自外而中陰之收藏五生數之終十成數之終而藏於中此太和之所以保合深固而生機之所以充實於

丙也

鮑魯齋曰以洛書變數推之陽以三左行天圓徑一圍三三天數也一在北一而三之三在東三其三爲九而居南九而三之三九二十七而居西三其二十七爲八十一而一復居於北北而東東而南南而西西而復北循環不窮有以待天道左旋之義地方徑一圍四兩其二也蓋以地上之數起於二而陰資以爲始位在西南而右行二而二之爲四而居東南二而四之爲八而居東北二其八爲十六而居西北二其十六爲三十二而二復居西南本位西南而東南東南而東北東北而西

主冬識餘

卷上

圭

北西北而復西南亦循環不窮有以協地道右行之說一三九七陽居四正二四八六陰居四隅左右旋轉相爲經緯造化之妙如此陰符經曰天地之道浸故陰陽勝水火金木土穀惟修易其田疇薄其稅歛民可使富也食之以時用之以禮財不可勝用也生財有大道生之者衆食之者寡爲之者疾用之者舒則皆理財之道也王安石曰善理財者不加賦而國用足司馬公爭之曰天地安有此理天地所生財貨百物不在民則在官彼設法奪民其害乃甚於加賦此蓋桑宏羊欺武帝之言

太史公書之以見其不明耳繫詞於理財曰義大學之以義爲利孟子之亦有仁義而已蓋正本澄源之論也垂衣裳而天下治郭白雲曰無爲而治也蘇紫溪曰黃帝堯舜千古人文之始中天之運至此而開洪荒之俗至此而變也當從蘇說

陸庸成曰誠則明者知己之神由介石來也明則誠者不遠之復由真知得也在豫貴守之固故曰貞吉在復貴覺之早故曰元吉

變惡以時言遠近以位言情僞以德言吉凶利害非因比應則無所爲相攻相取相感也故下獨舉近而不相

主冬識餘

卷上

南

得以見例

乾坤兩卦發出誠敬二字

天地定位五句數往者順也雷以動之八句知來者逆也先天卦位也帝出乎震二節後天卦位也神也者節合先後卦位而贊之也

先天圖者序卦之根也後天圖者雜卦之根也吾聞諸先儒云

魏石經疑非邯鄲淳書

困學紀聞石經有七魏正始則邯鄲淳此殆有誤案自獻帝初平元年庚午至曹魏邵陵厲公正始元年庚申

已五十一年使子叔以弱冠避難荆土已應七十餘安得精力猶辦書七經於石耶

易舉正謬妄

唐司戶參軍郭京撰舉正三卷白云曾得王輔嗣韓康伯手寫注定傳授真本比今世流行本舉正其訛凡一百三節洪容齋馬貴與皆深然其說愚案王伯厚云王弼終於魏正始十年韓康伯東晉簡文帝引爲談客相去甚遠謂之傳授誤矣又聞百詩云韓康伯名伯穎川長社人殷浩之外甥也官太常晉書有傳唐李嘉祐詩輔嗣外孫還解易惠連羣從總能詩王輔嗣年二十四卒無子絕嗣未聞有外孫誰何傳其學此必殷浩外孫之誤詩人多不契載故耳据此則舉正一書乃郭京謬託而云然非王韓之說不可從也

虞書六宗

虞書六宗之說紛紛不一歐陽和夏侯建云上不謂天下不謂地旁不謂四方在六者之間助陰陽變化者也伏生馬融云萬物非天不覆非地不載非春不生非夏不長非秋不收非冬不藏此之謂六宗孔安國云精意以享謂之禋宗尊也所尊祭其祀有六理少牢於泰昭祭時也相近於坎壇祭寒暑也王宮祭日也夜明祭月

三冬識餘

卷上

主

也幽禁祭星也雩宗祭水旱也孔光劉歆云六宗水火

雷風山澤也賈逵云六宗日宗月宗星宗岱宗海宗河

宗也鄭元云六宗星辰司中司命風師箕也雨師畢也

司馬彪駁之曰帝在於類則禋者非天山川屬望則海

岱非宗宗猶包山則望何秩焉伏與歆達失其義也六

合之間非制典所及六宗之數非一位之名陰陽之說

又非義也并五緯以爲一分文昌以爲二箕畢既屬於

辰風師雨師復特爲位元之失也安國家祭法爲宗而

除其天地於上遺其四方於下取其中以爲六宗四時

寒暑日月衆星并水旱所宗者八非但六也傳曰山川

三冬識餘

卷上

主

之神則水旱厲疫之災於是乎祭之日月星辰之神則

霜雪風雨之不時於是乎祭之又曰龍見而雩如此祭

者祀日月星辰山川之名雩者周人四月祭天求雨之

稱也雪霜之災非夫祭之所禳雩祭之禮非正月之所

祈周人之後說有虞之典故於學者未盡喻也駁正諸

說可謂詳矣然彪謂天宗日月星辰寒暑之屬地宗社

稷五祀之屬四方之宗四時五帝之屬今案天宗雖見

於月令而地宗四方之宗古無其名且五帝之說見於

周禮及秦漢間讖緯之書周禮北五帝於四郊言五行精氣之神也鄭元以爲青帝

臺威仰赤帝赤熒怒黃帝含樞紐白帝白招而謂舜之拒黑帝汁光紀與上帝北辰權衡寶爲六天

時而有之乎若張髦所云三昭三穆學者多從之然七廟之制始於周堯舜之時未聞有此非可強說不獨如林之奇所云七廟不皆稱宗也惟虞喜云地有五色太社象之總五爲一則成六六爲地數劉昭云肆類於上帝是祭天天不言天而曰上帝帝是天神之極舉帝則天神斯盡日月星辰從可知也禮於六宗是實祭地地不言地而曰六宗宗是地數之中舉中是以該數社稷等祀從可知也其說近是蓋祭祀大典不應獨闕祭地而陰盛於六於祭地之義亦協獨其總五爲一劉昭駁注以禮爲瘞之尙近曲說耳禮劉昭謂是埋瘞之異稱案說文禮潔祀也埋義無

三冬識餘 卷上 七

考 古典荒遠惟取義合不必鑿以求通也

禹貢黑水

禹貢黑水一以爲出張掖雞山至於燉煌一以金沙江爲黑水一以瀾滄江爲黑水俱詳今御纂書經注與經文至於南海有合有不合地理今釋則謂有雍州之黑水有梁州之黑水有導川之黑水雍州之黑水入大通河梁州之黑水入南岷江導川之黑水入南海蓋雍州之黑水在黃河之北梁州及導川之黑水在黃河之南又有崑崙南山積石以障之積石在河源之南綿亘千里卽大積石也與經文積石異勢不能合而爲一也其說始定但指瀾滄江爲黑水恐亦有

三冬識餘 卷上 太

未備者案雲南水之入南海者一曰瀾滄江卽古蘭洽水番名拉楚河有二源一出西戩喀木之匪坐黑岡城西北千餘里格爾吉匪喀那山名匪楚河卽古鹿石山也一出匪坐黑岡城西北八百餘里巴喇克丹蘇克山名鄂穆楚河二水俱東南流折而南至匪坐黑岡城東北三百餘里又木多廟前而合又南流交東北來一水始名拉楚河又南會諸水曲折千餘里至雲南塔城關西入麗江府界曰瀾滄江自入雲南界曲折行二千五百里入阿瓦國界又東南經老撾界又東南經安南國爲富良江入海一曰潞江蒙古名哈喇烏蘇番名鄂爾楚源出楚地喀薩之北二百八十里四圍大山中爲平野有巨澤曰布喀鄂模當大流沙之東南澤廣袤環曲二百三十里其水從西北流出百數十里又成一澤曰厄爾及根鄂模廣百餘里又從東北流出八十里又成一澤曰衣達鄂模廣長百餘里從此池轉東南流百五十里爲喀喇池廣百二十里水色深黑其地卽古雍望之嘉湖也從南流出曰哈喇烏蘇又東南流會布倫兒河沙克河索克占旦索河三巨流曲折千五百餘里入怒夷界曰怒江又南流三百餘里入雲南界曰潞江自入雲南界曲折行千四百餘里入阿瓦國界其下流